



ТАШКЕНТ ШАҲАР СТАТИСТИКА

БОШҚАРМАСИ

БОШЛИҒИ

Д.Б.Шерматов

2017 йил

Тошкент шаҳар статистика бошқармасининг

“ижтимоий соҳа статистикаси

бўлими тўғрисида”ги

НИЗОМ

1-боб. Умумий қоидалар

1. Мазкур Низом Тошкент шаҳар статистика бошқармаси (кейинги ўринларда Бошқарма деб аталади) ижтимоий соҳа статистикаси бўлими (кейинги ўринларда Бўлим деб аталади) мақоми, асосий вазифалари ва функциялари, ҳуқуқ ва мажбуриятлари, шунингдек унинг фаолиятини ташкил этиш тартибини белгилайди.

2. Бўлим Ўзбекистон Республикаси Президентининг 2017 йил 31 июлдаги “Ўзбекистон Республикаси Давлат статистика қўмитаси фаолиятини такомиллаштириш чора-тадбирлари тўғрисида”ги ПҚ-3165-сон қарорига мувофиқ ташкил этилган ва Тошкент шаҳар статистика бошқармаси (кейинги ўринларда Бошқарма деб аталади) нинг таркибий бўлинмаси ҳисобланади.

3. Бўлим ўз фаолиятида Ўзбекистон Республикаси Конституциясига, Ўзбекистон Республикасининг “Давлат статистикаси тўғрисида”ги қонуни ва бошқа қонунларига, Олий Мажлиснинг норматив қарорларига, Ўзбекистон Республикаси Президенти фармонлари, қарорлари ва фармойишларига, Вазирлар Маҳкамаси қарорлари ва фармойишларига, Ўзбекистон Республикаси Давлат статистика қўмитасининг қарор ва буйруқларига ва “Тошкент шаҳар статистика бошқармаси тўғрисида”ги Низомга, мазкур Низомга, шунингдек бошқа қонун ҳужжатларига амал қилади.

4. Бўлим фаолияти ижтимоий соҳада ривожланишнинг миллий ва минтақавий хусусиятларини ҳисобга олган ҳолда илмий методологияга, халқаро стандартлар ва қоидаларга асосланган, давлат ҳокимияти ва бошқарув органлари, хўжалик юритувчи субъектлар, фуқаролар ва ташкилотларнинг расмий статистика ахборотларига бўлган эҳтиёжини қондирувчи ахборот-статистика тизимининг самарали фаолият кўрсатишини таъминлашга йўналтирилган. Бўлим ўз фаолиятини Бошқарманинг бошқа тармоқ бўлимлари ва туман статистика бўлимлари билан ўзаро ҳамкорликда амалга оширади.

5. Бўлим ўз фаолиятини Бошқарма бошлиғи раҳбарлигида амалга оширади.

Бўлим ўз ваколатига кирувчи масалалар бўйича Бошқарма бошлиғининг ўринбосарига бўйсунди.

2-боб. Бўлимнинг асосий вазифалари ва функциялари

6. Қуйидагилар Бўлимнинг асосий вазифалари ҳисобланади:

а) давлат статистикаси соҳасида ягона сиёсатни амалга ошириш, фаолиятни мувофиқлаштириш, функционал тартибга солиш соҳасида:

ижтимоий соҳа статистикаси бўйича қиёсий таҳлилий маълумотларни ўз муддатларида сифатли тайёрланишини таъминлаш ҳамда статистик маълумотларни ҳисобга олиш услубиятларини халқаро стандарт ва қоидалар талабларидан келиб чиқиб амалиётга жорий этиб бориш, ижтимоий соҳа статистикаси соҳасида илмий асосланган статистик методологияни ва давлат статистика кузатувлари тизимини режалаштириш, ривожлантириш ва жорий этиш бўйича ишларни ташкил этиш ва мувофиқлаштириш юзасидан таҳлилий таклифлар ишлаб чиқиш;

ижтимоий соҳа статистикаси соҳасида иқтисодий жараёнларни ўрганиш, кўрсаткичларни умумлаштириш ва таҳлил қилиш;

ижтимоий соҳа статистикаси доирасида Давлат статистика ишларини ишлаб чиқариш дастурининг бажарилишини ўз вақтида ва сифатли таъминлаш;

Бошқарма тармоқ бўлимлари ҳамда туман статистика бўлимларининг ижтимоий соҳа статистикаси соҳасида ахборотларни шакллантириш бўйича ишларини ташкил этиш ва мувофиқлаштириш.

б) халқаро стандартларга мувофиқ, ижтимоий соҳа статистикаси соҳасида илмий асосланган статистик методологияни ишлаб чиқиш ва жорий этишда иштирок этиш;

илмий асосланган, бозор иқтисодиётининг асосий принципларига мос келадиган ягона статистика методологияси ва ижтимоий соҳа кўрсаткичлари тизимини ишлаб чиқишда таклифлар киритиш;

Давлат статистика қўмитасига тегишли давлат статистик кузатуви шаклларини такомиллаштириш бўйича таклифлар киритиш;

ижтимоий соҳа статистикаси фаолияти ҳолати ва ривожланиши бўйича статистик маълумотлар фойдаланувчиларининг талабларини ўрганишда иштирок этиш;

бўлим томонидан статистик ҳисобот шакллари кўрсаткичларини такомиллаштириш юзасидан корхона ва ташкилотлар таклифларини ўрганиш, ҳисобот шаклларига мос ўзгартиришларни киритишда таклифлар киритиш;

в) статистика ахборотларини йиғиш, қайта ишлаш, тўплаш, сақлаш, умумлаштириш, таҳлил қилиш ва эълон қилиш соҳасида:

хўжалик юритувчи субъектларга ижтимоий соҳа статистикаси бўйича ишончли давлат статистика ҳисоботларини тақдим этишда ҳар томонлама қўмаклашишни таъминлаш;

ижтимоий соҳа статистикаси бўйича статистика, ҳисобот кўрсаткичларининг ўтказилган танланма кузатувлар натижаларининг тезкорлиги, ишончлилиги, холислигини, статистик ахборотларнинг қулайлиги, очиқ-ойдинлиги ва ошқоралигини кенгайтириш бўйича чора-тадбирларнинг амалга ошириш;

ижтимоий соҳа ва барқарор ривожланиш статистикаси бўйича олинган статистика маълумотларининг махфийлигини, бирламчи ҳисобот маълумотларидан юридик шахсларнинг фаолиятини, бошқа хусусиятларини ёки миқдор кўрсаткичларини расмий тасдиқлаш мақсадида фойдаланишга йўл қўймасликни, давлат сирларига эга бўлган статистика маълумотларининг ҳимоя қилинишини таъминлаш;

ўз ваколати доирасида бўлим фаолияти жараёнида олинган хизмат, банк, тижорат сирларини ва бошқа махфий маълумотларни ўз ичига олган ахборотларни сақлаш ҳимоялашнинг тегишли тартибини таъминлаш;

г) статистик маълумотлар билан таъминлаш соҳасида:

давлат органлари ва фуқароларнинг ўзини ўзи бошқариш органлари, юридик шахслар, давлат муассасалари ва халқаро ташкилотлар, шунингдек бошқа фойдаланувчиларни ижтимоий соҳа фаолиятига тегишли маълумотлар билан таъминлаш;

ижтимоий соҳа статистикаси масалалари бўйича туман статистика бўлимлари ходимлари учун маслаҳатлар ва семинарларни ташкил этиш;

оммавий ахборот воситаларида жойлаштириш учун ижтимоий соҳанинг ривожланиш тенденцияларини тавсифловчи таҳлилий маълумотлар ва докладлар тайёрлаш;

ижтимоий соҳа статистикасини тавсифловчи статистик ахборотларни тезкор, сифатли тайёрлашни амалга ошириш;

барча фойдаланувчиларга ижтимоий соҳа статистикаси бўйича очиқ статистик маълумотлардан фойдаланиш учун тенг имкониятларни таъминлаш;

7. Бўлим ўзига юкланган вазифаларни бажариш учун қуйидаги функцияларни амалга оширади:

туман статистика бўлимларининг ижтимоий соҳа статистикаси масалалари бўйича ўзларига юклатилган вазифа функцияларини самарали амалга ошириш бўйича фаолиятини ташкил этишда амалий ёрдам бериш;

ижтимоий соҳа статистикаси бўйича давлат статистика ҳисоботи шаклларини такомиллаштириш бўйича таклифлар тайёрлайди;

Давлат статистика ишларини ишлаб чиқариш дастуридаги ижтимоий соҳа статистикаси бўйича белгиланган ишларнинг тўлиқ ва муддатларида бажарилишини таъминлайди;

Бошқарманинг тармоқ бўлимлари ҳамда туман статистика органларининг ижтимоий соҳа статистикасига оид ахборотларни шакллантириш бўйича ишларини ташкил этади ва мувофиқлаштиради;

jisмoний ва юридик шахсларнинг мурожаатларини, шу жумладан, электрон шаклда келиб тушган мурожаатларнинг тегишли қисмини кўриб чиқади ва улардаги масалаларни ҳал қилиш бўйича таклифлар тайёрлайди;

Бошқарма раҳбариятининг топшириқлари ва фойдаланувчиларнинг сўровларига асосан ижтимоий соҳа статистикаси бўйича маълумотлар тайёрлайди;

Бошқарманинг тармоқ бўлимлари ҳамда туман статистика органларининг ижтимоий соҳа статистикасига оид ахборотларни шакллантириш бўйича ишларини ташкил этади ва мувофиқлаштиради;

жисмоний ва юридик шахсларнинг мурожаатларини, шу жумладан, электрон шаклда келиб тушган мурожаатларнинг тегишли қисмини кўриб чиқади ва улардаги масалаларни ҳал қилиш бўйича таклифлар тайёрлайди;

Бошқарма раҳбариятининг топшириқлари ва фойдаланувчиларнинг сўровларига асосан ижтимоий соҳа статистикаси бўйича маълумотлар тайёрлайди;

Туман статистика органлари ҳамда хўжалик юритувчи субъектларга статистик классификаторлардан фойдаланган ҳолда ишончли давлат статистика ҳисоботларини тақдим этишда методик ёрдам кўрсатади;

ижтимоий соҳа статистикаси соҳасидаги ижтимоий-иқтисодий ҳодисалар, жараёнлар ва уларнинг натижалари тўғрисидаги статистика ахборотларини йиғади, қайта ишлайди, умумлаштиради, дастлабки статистик таҳлилни амалга оширади ва эълон қилади;

ижтимоий соҳа статистикаси бўйича кўрсаткичларнинг ишончилиги, ҳолислигини ва комплекслигини таъминлайди;

давлат органларини, юридик шахсларни, халқаро ташкилотларни ва аҳолини ижтимоий соҳа статистикасига оид статистика ахборотлари билан белгиланган тартибда таъминлайди;

Бўлим белгиланган тартибда ўзига юклатилган бошқа функцияларни ҳам амалга оширади.

3-боб. Бўлимнинг ҳуқуқлари ва мажбуриятлари

8. Бўлим ўзига юкланган вазифалар ва функцияларни бажариш учун қуйидаги ҳуқуқларга эга:

ижтимоий соҳа статистикаси соҳасида кузатувларни ташкил этиш ва услубиятини такомиллаштириш масалалари бўйича Давлат статистика кўмитасига таклифлар киритиш;

Бўлимга юклатилган функцияларни бажарилиши учун керакли бўлган маълумотларни Бошқарма бўлимларидан, шунингдек туман статистика бўлимларидан олиш;

Бўлим ваколатига кирадиган масалалар бўйича Бошқарма бўлимлари ва туман статистика бўлимлари билан ҳамкорлик қилиш;

бошқармалар, идоралар, хўжалик бошқаруви органлари, лойиҳаларни амалга оширувчи гуруҳлар ҳамда бошқа давлат ташкилотларидан Бўлим ваколатига кирувчи давлат статистика ишларини олиб бориш учун зарур бўлган маълумотларни, шунингдек уларга илова этиладиган тушунтиришларни сўраш ва олиш;

ижтимоий соҳа статистикаси услубияти ва давлат статистика кузатувларини ташкил этишга алоқадор бўлган масалалар бўйича ахборот-тушунтириш ишларини олиб бориш.

9. Бўлим қуйидагилар учун жавобгар:

ўзига юкланган вазифаларни самарали ва лозим даражада бажариш;

ваколатига кирувчи таҳлилий ва бошқа материалларни юқори даражада тайёрлаш;

Ўзбекистон Республикасининг меъёрий-ҳуқуқий ҳужжатлари тўғри қўлланилишини таъминлаш;

ижтимоий соҳа статистикасига оид статистик маълумотларнинг ишончлилиги, ҳолислиги ва тўлиқлигини таъминлаш;

ташкилот ва давлат сирларининг махфийлигини таъминлаш;

Бошқарма томонидан белгиланган норматив-ҳуқуқий ҳужжатларга мувофиқ Бўлим ходимларининг ижро интизомини таъминлаш.

4-боб. Бўлимнинг тузилмаси

10. Бўлим таркибига бўлим бошлиғи, бош мутахассис ва етакчи мутахассис киради.

11. Бўлим ишига бўлим бошлиғи раҳбарлик қилади.

12. Бўлим бошлиғи, ва мутахассислари Бошқарма бошлиғи томонидан Давлат статистика қўмитаси билан келишилган ҳолда лавозимга тайинланади ва озод қиланади.

5-боб. Бўлим фаолиятини ташкил этиш

13. Бўлимнинг иши Ўзбекистон Республикасининг “Давлат статистикаси тўғрисида”ги қонуни, Вазирлар Маҳкамаси томонидан тасдиқланадиган Давлат статистика ишлари дастури, Давлат статистика қўмитаси томонидан тасдиқланадиган Давлат статистика ишларини ишлаб чиқиш дастури, Ўзбекистон Республикаси Давлат статистика қўмитасининг қарор ва буйруқлари, Тошкент шаҳар статистика бошқармаси тўғрисидаги Низом мазкур Низом, Бошқарма бошлиғининг буйруқлари ва топшириқларига мувофиқ, шунингдек Бошқарманинг иш режалари ва бўлим ходимларининг функционал вазифалари асосида ташкил этилади.

Бўлимнинг иш режаси Бошқарма бошлиғи томонидан тасдиқланадиган Бошқарманинг иш режалари асосида шакллантирилади ва тасдиқланади.

Ходимларнинг функционал вазифалари Бошқарма бошлиғи томонидан бўлинмага юкланган вазифалардан келиб чиққан ҳолда тайёрланади ва тасдиқланади.